

Na osnovu Odluke Direktora Fonda za zaštitu okoliša Federacije BiH br: 01-04-75/2015. od 17.04.2015. godine, Fond za zaštitu okoliša Federacije BiH poziva sve osnovne škole sa područja Federacije BiH na učešće na

NAGRADNOM KONKURSU ZA NAJBOLJE LIKOVNE RADOVE

na temu

„Sedam milijardi snova. Jedna Planeta. Trošimo resurse pažljivo.

Zagađenje nije cool.“

SVRHA KONKURSA

Svjetski dan zaštite okoliša obilježava se svake godine 5. juna/lipnja na godišnjicu održavanja Konferencije Ujedinjenih naroda u Stockholmu (1972.) posvećene okolišu, na kojoj je usvojen Program zaštite okoliša Ujedinjenih naroda (UNEP). Dan zaštite okoliša se ove godine obilježava pod motom: „Sedam milijardi snova. Jedna Planeta. Trošimo resurse pažljivo“.

Svrha Konkursa je, posredstvom kreativnih ideja mladih, ohrabriti i osnažiti volonterski rad učenika osnovnih škola, s ciljem poticanja i razvijanja ljubavi za prirodne ljepote, te jačanja i artikulisanja kritičkog mišljenja prema negativnim pojavama (nerijetko nastalim izazvanim ljudskim nemarom), koje narušavaju cjelokupnu prirodnu ravnotežu.

PREDMET KONKURSA

Konkurs je otvoren za sve osnovne škole, sa područja Federacije BiH, da prijave likovne radove (tehnika kolaž) i time interpretiraju doživljaj Svjetskog dana zaštite okoliša u okviru teme „Sedam milijardi snova. Jedna Planeta. Trošimo resurse pažljivo. Zagađenje nije cool.“, u jednoj od tri različite oblasti:

1. Selektivno sakupljanje otpada i reciklaža,
2. Energijska efikasnost – ušteda i pametno korištenje energije, i
3. Zelene površine.

KRITERIJI KONKURSA

- Na konkurs se mogu prijaviti osnovne škole sa područja Federacije BiH, s tim što se odabir i slanje radova vrši preko predmetnih nastavnika i uprave škole,
- Jedna osnovna škola može konkurisati samo sa jednim radom,
- Likovni radovi trebaju biti izrađeni tehnikom kolaža, sačinjenog od recikliranih materijala (novinskog papira, kesa i iskorištene plastike, čepova, razbijenog stakla, drveta i sl.). Veličina kolaža treba biti A0 (hamer papir);
- Konkursna komisija će, u sklopu utvrđene metodologije, vrednovati: povezanost rješenja sa temom konkursa; samostalnost; originalnost; kreativnost; jasnoću poruke.

KADA I KAKO POSLATI RAD

Radovi trebaju da budu fotografisani i poslani u digitalnoj formi, u JPG formatu, visoke rezolucije (minimalno 300 dpi). Zadani format uslikanog kolaža je 21x15 cm (15x21 cm).

Fotografije kolaža treba dostaviti na CD-u/DVD-u poštom, sa uredno popunjenim prijavnim obrascem koji je sastavni dio ovog Konkursa, a čine ga sljedeći podaci:

1. Naziv rada,
2. Škola koja prijavljuje rješenje (likovni rad),
3. Naziv grupe/sekcije ili razred, te imena učenika koji su učestvovali u izradi i fotografisanju kolaža.

Prijavu treba dostaviti u printanoj formi uz CD/DVD-e. Prijavni obrazac nalazi se u prilogu ovog dokumenta.

Prijavom na konkurs, odgovorna osoba škole garantuje da su radovi autorsko djelo učenika.

Radove treba preko predmetnih nastavnika i uprave škole dostaviti na adresu:

Fond za zaštitu okoliša FBiH
Hamdije Čemerlića 39A
71 000 Sarajevo

Konkurs je otvoren od 20. aprila/travnja 2015. godine do 11. maja/svibnja 2015. godine.

Sve škole učesnici će biti blagovremeno obaviješteni o rezultatima konkursa.

NAGRADE

Radove će pregledati stručna komisija te, na osnovu utvrđenih kriterija, donijeti odluku o nagrađenim radovima. Prilikom odabira najboljih radova, vodit će se računa i o zastupljenosti svih uzrasta (razreda osnovne škole) u izradi likovnog rada – kolaža.

Osnovnim školama (12 radova) će biti dodijeljene novčane nagrade u visini od po 700,00 KM.

Odluke žirija su konačne i neopozive.

Nagrađeni radovi naknadno moraju biti dostavljeni u Fond. Nagrađeni radovi će biti korišteni za izradu promotivnog materijala (postera, kalendara i sl.) Fonda za 2015. godinu, i postaju trajno vlasništvo istoga.

Fond zadržava pravo potencijalne organizacije izložbe izabranih radova.

Rezultati konkursa bit će objavljeni 04. juna/lipnja 2015. godine. Dodjela nagrada će biti izvršena i promovisana javno u prostorijama Fonda za zaštitu okoliša na Svjetski dan okoliša 05. juna/lipnja 2015. godine, a radovi objavljeni na internet stranici Fonda za zaštitu okoliša FBiH (www.fzofbih.org.ba) i štampani u sklopu godišnjaka Fonda.

Za više informacija o konkursu pozovite 033/723-680 ili pošaljite Upit na adresu info@fzofbih.org.ba.

Broj: 01-04-1158/15
Sarajevo, 20.04.2015. godine

Direktor
Safet Harbinja

